

卷二
三

婦人良方



婦人良方卷之二

薛氏醫按

臨川陳自明編

吳雅著

新

都

衆疾

門

經脈不調衆疾生焉故以次之

○產寶方論第一

古人治婦人別著方論者以其胎姪生產崩傷之異况鬱怒倍於男子若不審其虛實而治之多致天枉

△愚按前說誠爲精確諺云寧治十男子莫治一婦人寧治十婦人莫治一小兒義可見矣

○博濟方論第二

夫人將攝順理則氣血調和六淫不能爲害若勞傷血氣則風冷乘之脾胃一傷飲食漸少榮衛日衰肌膚黃燥面無光澤若

入大腸則下利。若入關元則絕嗣。故婦人病有三十六種。皆由衝任勞損而致。蓋衝任之脈爲十二經之會海。其病皆見於少陰。太陽之經。當於此候之。

△愚按前論精密。學者當從此類推之。

△冠宗奭論第三

婦人雖有別科。然亦有不能盡聖人之法。岐伯曰。凡病察其形氣相得則易治。形氣相失則難治。又曰。診病之道。觀人勇怯。骨肉皮膚能知其情。以爲診法。今富貴之家。自處帷幔。出手診候。不能盡望聞問切之情。率爾投藥。烏可盡其術乎。况醫者質問諄諄。病家遂謂術業不精。而不信。豈能使藥之奏効耶。丹溪云。凡人之形長不及短。大不及小。肥不及瘦。人之色白不及黑。嫩不及蒼。薄不及厚。而况肥人濕多。瘦人火多。白者肺氣虛。黑者

腎氣足形色既殊。臟腑亦異。外證雖同。治法迥別。所以肥人責脈浮。瘦人責脈沉。躁人疑脈緩。緩人疑脈躁。以其不可深觀也。若夫病勢危急。必須察色以觀其外。診脈以知其內。醫之道庶乎不至於有誤矣。

○府庠徐道夫。母胃脘當心痛極。右寸關俱無。左雖有微而欲絕。手足厥冷。余以上部無脈不吐爲不治。然察其服胞上下青黯。此脾虛肝木所勝。以參朮茯苓陳皮甘草補中益氣。以木香和胃氣。行肝氣。以吳茱萸散脾胃之寒。止心腹之痛。遂急與一劑。連去二次。再進諸病悉愈。

○通用方序論第四

夫通用方者。蓋產前產後皆可用也。或一方治諸症。不可入於專門。當通變而施治。烏可泥也。

加減四物湯。治血虛月經不調腰腹作痛崩中漏下。半產產後惡露內停。或去血過多而痛。方見八卷第十三論

愚按血虛之症。若肝脾血燥。用加味逍遙散。肝火血躁。用八珍湯。加山梔、牡丹皮。肝經風熱血燥。用六味地黃丸。肝脾火燥。血虛用四物。柴胡、山梔。肝經氣血虛弱。用四君。芎歸、熟地。腎水涸而肝血虛。用六味地黃丸。金匱木而肝血虛。與心火亢而肝血虛。亦用前丸。若氣虛而血弱。用補心湯。胃氣陷而血虛。用補中益氣湯。脾氣弱而血虛。用六君子湯。脾氣鬱而血虛。用加味歸脾湯。大凡血虛之症。或氣虛血弱。或陽氣脫陷。或大失血。以致發熱煩渴等症。必用四君歸芪。或獨參、甘溫之劑。使陽旺則陰生。其病自愈。若用寒涼降火。乃速其斃。交加散。治經脈不調。腹中撮痛。或結聚癥瘕。產後中風。

生地黄

一斤取汁

生薑

一斤取汁

右以地黄汁炒薑相薑汁炒地黄相乾為末每服三錢酒調加芍藥玄胡索當歸蒲黃桂心各一兩沒藥紅花各五錢

尤効

補中丸

治氣血俱虛諸症即八珍湯為丸

方見二十四卷第四論

附方

加味歸脾湯

加味逍遙散

八珍湯

三方見二十四卷第四論

六味丸

方見二十四卷第十一論

四物湯

四君子湯

六君子湯

補中益氣湯

四方見二十四卷第六論

獨參湯

方見三卷第十三論

婦人良方卷之三

薛氏醫按

臨川陳白明編 吳郡薛 已註

新 都 閔道政校

○婦人中風諸症方論第一

夫中風者因內虛而中之也蓋風為四時八方之氣常以冬至之日自坎而起從其鄉來者主長養萬物否則名為虛風賊害萬物從背而入或中腑或中臟或中血脈經絡其症或肢體不遂或手足偏枯或痰涎壅塞或口眼歪斜或牙關緊急或腰背反張若眼開口閉涎流失音者難治如眼閉口開鼾睡遺尿者死中風中氣皆用蘇合香丸中氣用三生飲若作風治百無生愚按中風者即內經所謂偏枯風痺風懿風痺是也而有中腑中臟中血脈之分焉夫中腑者為在表中臟者為在裏中

血脈者爲在中在表者宜微汗在裏者宜微下在中者宜調榮中腑者多著四肢如手足拘急不仁惡風寒此數者病淺皆易治用加減續命湯之類中臟者多滯九竅如眼昏者中于肝舌不能言者中于心唇緩便秘者中于脾鼻塞者中于肺耳聾者中于腎此數者病深多難治中血脈者外無六經之證內無便溺之阻肢不能舉口不能言用大秦芫湯主之中腑者多兼中臟如左關脈浮弦面目青左脇偏痛筋脈拘急目瞶頭目眩手足不收坐踞不得此中膽兼中肝也用犀角散之類如左寸脈浮洪面舌赤汗多惡風心神顛倒言語蹇澁舌強口乾忪悸恍惚此中小腸兼中心也用麻黃散之類如右關脈浮緩或浮大而唇黃汗多惡風口喎語澁身重怠惰嗜臥肌膚不仁皮肉瞶動腹膨不食此中胃兼中脾也

用防風散之類。如右寸脈浮濇而短，面色白，鼻流清涕，多喘，胸中冒悶，短氣，自汗，聲嘶，四肢痿弱，此中氣大腸兼中肺也。用五味子湯之類。如左尺脈浮滑而目瞤，黑腰脊痛，引小腹，不能俛仰，兩耳虛鳴，骨節疼痛，足痠善恐，此中膀胱兼中腎也。用獨活散之類。此皆言真中風也。而有氣血之分焉。蓋氣虛而中者，由元氣虛而賊風襲之，則右手足不仁，用六君子湯加釣藤薑汁。竹瀝而虛而中者，由陰血虛而賊風襲之，則左手足不仁，用四物湯加釣藤竹瀝薑汁。氣血俱虛而中者，則左右手足皆不仁也。用八珍湯加釣藤薑汁。竹瀝。其與中風相類者，則有中寒、中濕、中火、中氣、食厥、勞傷、房勞等症。如中於寒者，謂冬月卒中寒氣，昏冒口噤，肢攣惡寒，脈浮緊，用麻黃桂枝理中湯之類。中於暑者，謂夏月卒中炎暑，昏冒痿厥。

吐瀉喘滿用十味香薷飲之類中於濕者丹溪所謂東南之人多因濕土生痰痰生熱熱生風也用清燥湯之類加竹瀝薑汁中於火者河間所謂非肝木之風內中六淫之邪外侵良由五志過極火盛水衰熱氣拂鬱昏冒而卒仆也用六味丸四君子獨參湯之類內有恚怒傷肝火動上炎者用柴胡湯之類中於氣者由七情過極氣厥昏冒或牙關緊急用蘇合香丸之類誤作風治者死食厥者過於飲食胃氣自傷不能運化故昏冒也用六君子加木香勞傷者過於勞役耗損元氣脾胃虛衰不任風寒故昏冒也用補中益氣湯房勞者因腎虛精耗氣不歸源故昏冒也用六味丸此皆類中風者也夫內經主於風河間主於火東垣主於氣丹溪主於濕愚之斯論借補前人之闕也若夫地之南北人之虛實固有不同

同其男子女人大略相似當與後論參看通變治之

附治驗

○靳門老夫人先胸脇脹痛後四肢不收自汗如水小便自遺大便不實口緊目閉飲食頗進十餘日矣或以爲中臟公甚憂余曰非也若風既中臟真氣既脫惡症既見禍在反掌焉能延之乃候其色面目俱赤而面或青診其脈左三部洪數惟肝尤甚余曰胸乳脹痛肝經血虛肝氣否塞也四肢不收肝經血虛不能養筋也自汗不止肝經風熱津液妄泄也小便自遺肝經熱甚陰挺失職也大便秘不實肝木熾盛尅脾土也遂用犀角散四劑諸症頓愈又用加味逍遙散調理而安後因鬱怒前症復作兼發熱嘔吐飲食少思月經不止此木盛尅土而脾不能攝血也用加味歸脾湯爲主佐以加味逍

遙散調補肝脾之氣清和肝脾之血而愈後每遇怒或睡中手足抽搐復用前藥卽愈

大叅朱雲溪母於九月內忽仆地痰沫不省人事唇口喎斜左目緊小或用痰血之劑其勢稍緩至次年四月初其病復作仍進前藥勢亦漸緩至六月終病乃大作小便自遺或謂風中於臟以爲不治余診之左關弦洪而數此屬肝火血燥也遂用六味丸加五味麥門芎歸一劑而飲食頓進小便頓調隨用補中益氣加茯苓山貳釣藤丹皮而安至十月復以傷食腹痛作瀉左目仍小兩關尺脈弦洪鼓指予以六君加木香吳茱升麻柴胡一劑而痛瀉俱緩復以六君加肉果故紙一劑諸脈頓平痛瀉俱止余謂左關弦洪由肝火血燥故左目緊小右關弦洪由肝邪乘脾故唇口喎斜腹痛作瀉兩

尺鼓指由元氣下降。設以目緊口喎誤作風中。投以風藥。以腹痛泄瀉誤作積滯。投以峻劑。復耗元氣。爲害甚矣。後以陽虛惡寒。罔火過熱。致痰喘誤服寒劑而卒。

一婦人因怒。休地語言。蹇澁口眼喎斜。四肢拘急。汗出遺尿。六脈洪大。肝脈尤甚。皆由肝火熾盛。蓋肝主小便。因熱甚而自遺也。用加味逍遙散。加釣藤及六味丸。尋愈。

一老婦兩臂不遂。語言蹇澁。服祛風之藥。反致筋攣骨痛。余謂此肝火血虛所致。用八珍湯補氣血。用地黃丸補腎水。佐以排風湯。年餘而愈。

一婦人經行口眼歪斜。痰涎壅盛。此血虛而肝火動。用加味逍遙散。加牡丹皮治之。尋愈。後因飲食停滯。日吐痰涎。此脾氣虛不能攝涎歸經也。用六君子二十餘劑而安。

一婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

一產婦勤於女工忽仆地牙關緊急痰喘氣粗四肢不遂此氣血虛而發瘧朝用補中益氣湯加茯苓半夏夕用八珍湯加半夏各三十餘劑不應此氣血之未復藥之未及也仍用前二湯又用五十餘劑尋愈

一婦人素有內熱月經不調經行後四肢不能伸臥床半載或用風濕痰火之劑不効其脈浮緩按之則濡名曰痿痺屬風寒所乘用加味逍遙散加肉桂防風四劑頓愈及以八珍湯調理兩月餘而瘥

一婦人素經行後期因勞怒四肢不能屈名曰癱症此血虛

而風熱所乘。先用八珍湯加釣藤、柴胡漸愈。更佐以加味道遙散調理而痊。

一婦人四肢攣屈、煩痛、自汗、小便短少。畏見風寒。脈浮弦緩。此氣血虛而風寒濕熱相搏。先用東垣清燥湯漸愈。再用加味道遙散及八珍湯加牡丹皮而痊。

一婦人素有火。忽然昏瞶、癱瘓、抽搐。善伸數欠。四肢筋攣、痰涎上升。此肺金燥甚、血液衰少而然也。用清燥湯六味丸廉服尋愈。

一婦人肢節作痛、不能轉側。惡見風寒。自汗盜汗、小便短少。雖夏亦不去衣。其脈浮緊。此風寒客於太陽經。用甘草附子湯一劑而瘳。

一婦人因怒發搐、嘔吐痰涎、口禁昏憤、氣口脈大於人迎。此

氣滯而食厥用平胃散加茯苓半夏木香治之而甦更以六君子加木香漸愈乃去木香又二十餘劑而痊

一婦人元氣素虛勞則體麻發熱痰氣上攻或用息藥順氣散祛風化痰丸之類肢體痿軟痰涎自出面色痿黃形體倦怠而脾肺二脈虛甚此氣虛而類風朝用補中益氣湯夕用十全大補湯漸愈又用加味歸脾湯調理尋愈

一婦人體肥胖頭目眩暈肢體麻木腿足痿軟自汗身重其脈滑數按之沉緩此濕熱乘虛也用清燥羌活二湯漸愈更佐以加味逍遙散全愈

一婦人口眼歪斜四肢拘急痰涎不利而惡風寒其脈浮緊此風寒客於手足陽明二經先用省風湯二劑後用秦艽升麻湯而愈